

SVEUČILIŠTE/UNIVERZITET “VITEZ” VITEZ

REKTOR SVEUČILIŠTA/UNIVERZITETA

PROCEDURA

POSTUPAKA I REDOSLIJEDA AKTIVNOSTI PRI IZBORU AKADEMSKOG OSOBLJA

Da bi se uskladila praksa pri izboru akademskog osoblja u ista ili viša akademska zvanja na svim fakultetima koji su članice Sveučilišta/Univerziteta “VITEZ” Vitez, Rektor donosi ovu Proceduru postupka i redoslijeda aktivnosti pri izboru akademskog osoblja.

Procedura je u cjelosti usklađena sa Pravilnikom o akademskim zvanjima na Sveučilištu /Univerzitetu “VITEZ” Vitez i poštuje pravila i obaveze uspostavljene Okvirnim zakonom o visokom obrazovanju u BiH, kao i Statutom Sveučilišta/Univerziteta “VITEZ” Vitez.

A. OBJAVLJIVANJE KONKURSA I PRIJAVA NA KONKURS

1. Senat Sveučilišta/Univerziteta u skladu sa članom 14. navedenog Pravilnika donosi odluku o raspisivanju Konkursa za izbor:

- u zvanje,
- u više zvanje i
- u isto zvanje (ponovni izbor).

2. Konkurs se objavljuje najkasnije tri mjeseca prije isteka perioda na koji je nastavnik ili suradnik biran, a rok izbora je šest mjeseci od dana objavljivanja Konkursa.

3. Konkurs se objavljuje javno, u dnevnim novinama i na web stranici Sveučilišta/Univerziteta.

4. U Konkurs se unosi:

- naziv uže naučne oblasti,
- naziv predmeta i
- zvanje za koje se vrši izbor (može jedno, više ili sva zvanja).

5. U Konkursu se navodi da zainteresirani kandidati moraju priložiti :

- prijavu na Konkurs,
- detaljnu biografiju,
- ovjerene prepise (fotokopije) diploma (osnovnog, magistarskog i doktorskog studija),
- dosadašnje izbore u akademska zvanja,

- spisak naučnih, naučno-stručnih i stručnih radova,
- dostaviti radove na uvid i
- popuniti priloženu tabelu vezano za objavljene knjige, članke i dr.

6. Prijedlog Konkursa pravi stručni suradnik koji vodi izbore nastavnika i suradnika.

B. IZBOR KOMISIJE ZA PISANJE IZVJEŠTAJA

7. Po završetku Konkursa Nastavno-naučno vijeće fakulteta imenuje Komisiju za pisanje Izvještaja o prijavljenom kandidatu i dostavlja prijedlog Senatu na usvajanje, a u skladu sa članom 16. Pravilnika.
8. Komisija se sastoji od najmanje tri nastavnika iz naučne oblasti za koju se nastavnik odnosno suradnik bira.
9. Najmanje jedan nastavnik mora biti iz uže naučne oblasti, a ostali iz šire naučne oblasti.
10. Članovi Komisije moraju biti u istom ili višem zvanju u koje se kandidat bira i ne mogu biti u srodstvu sa kandidatom koji se bira.
11. Najmanje jedan član Komisije mora biti u radnom odnosu van Sveučilišta/Univerziteta.
12. Rješenje o imenovanju Komisije za pisanje Izvještaja pravi stručni suradnik koji vodi izbore, a na temelju Zapisnika sa Nastavno-naučnog vijeća i dostavlja ga svim članovima Komisije.

C. PISANJE IZVJEŠTAJA O KANDIDATU

13. Komisija zadužena za pisanje izvještaja o kandidatu piše detaljan izvještaj o kandidatu navodeći biografiju kandidata, završeno školovanje, radnu aktivnost, dosadašnje izbore u akademska zvanja, spisak naučnih, naučno-stručnih i stručnih radova, objavljene radove u indeksiranim časopisima i druge bitne informacije o kandidatu.
14. U Izvještaju se nedvosmisleno navodi zaključno mišljenje i prijedlog Komisije uz potpis svih članova komisije, a u skladu sa članovima 24-29. navedenog Pravilnika.
15. U Izvještaju se svi podaci dijele na period do posljednjeg izbora i na period od posljednjeg izbora i posebno prilaže tabela iz priloga ovog Pravilnika.
16. Prilikom izbora u isto ili više zvanje uzimaju se u obzir samo objavljeni radovi, knjige i rezultati vlastitih istraživanja, mentorstvo i drugo, samo u vremenu od posljednjeg izbora.

17. Izvještaj Komisije o kandidatu sastavlja se u skladu sa:

- a) Okvirnim zakonom o visokom obrazovanju u BiH članovi 27-35.,
- b) Statutom Sveučilišta/Univerziteta "VITEZ" Vitez član 5-7.

Izvještaj se piše u skladu sa uzorkom Izvještaja koji stručni suradnik dostavlja predsjedniku Komisije.

18. Period izbora akademskog osoblja vrši se u skladu sa članom 8-12. navedenog Pravilnika.

D. RAZMATRANJE I USVAJANJE IZVJEŠTAJA KOMISIJE

19. Najkasnije u roku od 30 dana Komisija za pisanje Izvještaja dostavlja Izvještaj istovremeno Rektor i Nastavno-naučnom vijeću fakulteta.

20. Rektor Sveučilišta/Univerziteta dostavlja biblioteci Izvještaj Komisije sa njihovim prijedlogom i putem web stranice obavještava sve nastavnike i suradnike na Sveučilištu /Univerzitetu da se sa sadržajem Izvještaja mogu upoznati u biblioteci i eventualno staviti primjedbe u roku od 15 dana.

21. Nastavno-naučno vijeće dobija Izvještaj Komisije, razmatra ga, razmatra eventualne primjedbe i usvaja ga, mijenja ili odbacuje.

22. Nastavno-naučno vijeće, ukoliko usvoji Izvještaj Komisije, predlaže izbor kandidata u određeno zvanje i svoj prijedlog dostavlja Senatu na usvajanje i izbor nastavnika ili suradnika u određeno zvanje.

23. Prije izbora na Senatu, kandidat koji nije ranije izvodio nastavu u visokoškolskoj ustanovi dužan je pred Komisijom za pisanje izvještaja održati predavanje iz nastavnog predmeta za koji se bira.

24. Prijedlog izbora Nastavno-naučnog vijeća pravi stručni suradnik koji vodi izbore, a na temelju Zapisnika sa Nastavno-naučnog vijeća.

25. Odluku o izboru u zvanje nastavnika i suradnika obavlja Senat Sveučilišta/Univerziteta, a u skladu sa odredbama člana 19. navedenih Pravilnikom. Odluku pravi stručni suradnik, a na temelju Zapisnika sa sjednice Senata.

E. PREUZIMANJE NASTAVNIKA I NJEGOVOG IZBORA

26. Sveučilište/Univerzitet može da preuzme nastavnika, tj. njegovo zvanje, koji je već izabran na drugoj visokoškolskoj ustanovi, a u skladu sa članom 12., stav 2. i 3. navedenog Pravilnika.

27. Odluku o preuzimanju nastavnika u ranije stečenom zvanju donosi Rektor Sveučilišta /Univerziteta.

28. Preuzimanje nastavnika i njegovog izbora u zvanje može se izvršiti samo za istu užu naučno-nastavnu oblast ili isti predmet.

F. IZBOR U ZVANJE EMERITUSA

29. U skladu sa članom 16. Okvirnog zakona o visokom obrazovanju u BiH i članom 30. Pravilnika o akademskim zvanjima i na prijedlog Rektora, Senat Sveučilišta/Univerziteta može penzionisanom redovnom profesoru dodijeliti počasno zvanje profesor emeritus.

30. Senat može na prijedlog Rektora svojom odlukom preuzeti zvanje profesora emeritusa stečeno na drugom univerzitetu. Također, izbor profesora emeritusa može se izvršiti ukoliko se formira Komisija za pisanje izvještaja i predlaganja izbora penzionisanog redovnog profesora i ista predloži Senatu izbor kandidata u počasno zvanje profesor emeritus.

31. Profesor emeritus u skladu sa članom 30., stav 2. i 3. navedenog Pravilnika može učestvovati u izvođenju nastave na sva tri ciklusa studiranja, biti nosilac predmeta kao i mentor i član Komisije za izbore u zvanja.

32. Odluke o izboru u zvanje profesor emeritus pravi stručni suradnik za izbore u zvanja, a na temelju Zapisnika sa sjednice Senata.

Prilog: Tabela vrednovanja naučne produktivnosti.

Rektor

Prof. dr. sc. Nikola Grabovac